

Vlada Kantona Sarajevo  
Kantona Sarajevo  
Reisa Džemaludina Čauševića 1  
Sarajevo

Sindikata radnika u zdravstvu u  
Kantonu Sarajevo  
Obala Kulina bana 1  
Sarajevo

**Komisija za tumačenje  
Kolektivnog ugovora o pravima i obavezama poslodavaca i radnika  
u oblasti zdravstva za područje Kantona Sarajevo**

Broj: 5/25  
Sarajevo, 18.12.2025. godine

Na osnovu člana 72. stav (3) alineja 1. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo ("Službene novine Kantona Sarajevo" broj: 25/25), Komisija za tumačenje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, povodom zahtjeva OSO JU „Apoteke Sarajevo“ broj: 211-01/25 od 07.07.2025. godine kojim se traži tumačenje odredbe člana 17. stav (5), (6) i (7), a u vezi sa članom 24. stav (1) tačka d) podtačka 1. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Kolektivni ugovor), na 1. sjednici održanoj 18.12.2025. godine donosi

**ODLUKU**

**Član 1.**

Utvrđuje se tumačenje odredbe člana 17. stav (5), (6) i (7), a u vezi sa članom 24. stav (1) tačka d) podtačka 1. Kolektivnog ugovora, kako slijedi:

Smjenskim radom podrazumijeva se rad organizovan prema utvrđenom radnom vremenu rasporeda smjena poslodavca, koji se obavlja u kontinuitetu, kroz izmjenu smjena kako je propisano odredbom člana 17. stav (5), (6) i (7) Kolektivnog ugovora, a ne i povremeni rad u smjenskom režimu rada koji nastaje usljed vanrednih okolnosti (zamjena iznenada odsutnog radnika i drugim nepredviđenim situacijama). Slijedom navedenog, rukovodni radnici, kao i ostali radnici koji u pravilu rade samo u prvoj smjeni, a izuzetno i povremeno obavljaju poslove u drugoj smjeni radi potrebe procesa rada, ne ostvaruju pravo na dodatne dane godišnjeg odmora po osnovu smjenskog rada, jer njihov rad nije organizovan kao smjenski rad u smislu člana 17. Kolektivnog ugovora.

**Član 2.**

Ova odluka će se dostaviti podnositelju zahtjeva, svim pravnim osobama na koje se odnosi Kolektivni ugovor, ugovornim stranama Kolektivnog ugovora i, putem Zavoda zdravstvenog osiguranja Kantona Sarajevo, privatnim zdravstvenim ustanovama koje imaju status ugovorne ustanove sa Zavodom zdravstvenog osiguranja Kantona Sarajevo.

**Član 3.**

U skladu sa članom 73. stav 3. Kolektivnog ugovora, ova odluka ima pravnu snagu i učinke Kolektivnog ugovora od dana stupanja na snagu Kolektivnog ugovora, te će se, u skladu sa članom 73. stav (4) objaviti u Službenim novinama Kantona Sarajevo.

Odluka stupa na snagu narednog dana od dana objavljivanja u Službenim novinama Kantona Sarajevo.

Komisija za tumačenje Kolektivnog ugovora o pravima i obavezama poslodavaca i radnika  
u oblasti zdravstva za područje Kantona Sarajevo

Ivona Islamagić  
Nina Delalić  
Nedžad Meheljić  
Sanela Malićević  
Jasmin Avdović  
Senad Sadiković

